



SAKSPAPIR

Saksnr	Utval	Type	Dato
24/2018	Formannskap/plan- og økonomiutvalet	PS	23.04.2018

Sakshandsamar	Arkiv	ArkivsakID
Oliver Klose	FA - C50	17/699

LAGRING AV DYVIKABÅTANE I SKUTENAUSTET PÅ KVAMSHOLMEN - AVTALE MELLOM STIFTINGA BRØRVIKSKUTO OG VAKSDAL KOMMUNE, SØKNAD OM TILSKOT

Vedlegg:

Avtale lagring av Dyvikabåtane - Vaksdal kommune og Stiftinga Brørvikskuto
Lagring av Dyvikabåtane
Avtale om bruk av Dyvikbåtane
Kostnader for skutenaustet

Rådmannen sitt framlegg til vedtak:

Vaksdal kommune støttar Stiftinga Brørvikskuto med 125000 kr til utviding av Skutenaustet. Finansiering av tiltaket vert tatt inn i sak om 1.tertial 2018. Kommunen og stiftinga inngår ei bindande avtale om at Stiftinga Brørvikskuto tar vare på Dyvikabåtane vederlagsfritt i 20 år framover.

Saksopplysningar:

Bakgrunn

I 2012 vart Dyvikabåtane gitt til Vaksdal kommune som ei gåve frå Nils Dyvik. Føresetnadene ved gåva var at båtane skulle visast fram lokalt i eit miljø med interesse for båtkultur og fartøyvern. Skutenaustet på Kvamsholmen, som også er vinterlagring for Brørvikskuto, vart avtalt som lagringsstad for Dyvikabåtane, og eventuelle endringar av oppbevaringsstad skulle avtalast med Nils Dyvik.

Stiftinga Brørvikskuto varsla i sumar 2017 at Dyvikabåtane vart tidvis utsette for vær og vind i Skutenaustet der dei ligg i dag, og dei tilrådde å finne ei anna oppbevaringsstad eller byggje på naustet slik at båtane kunne lagrast og visast fram på eit nytt loft på Kvamsholmen.

Stiftinga søkjar om 125000 kr i støtte frå Vaksdal kommune, med ein eigenandel på 64000 kr for å få lagt til rette for ei slik lagring på loftet i Skutenaustet.

Vurdering

Brørvikskuto er eit av kulturminna i Vaksdal kommune. Miljøet rundt skuto er organisert i ei stifting. Dyvikabåtane er såleis tilknytta eit miljø for å ivareta fartøyane og syne båtane sin lokalthistoriske verdi ved å vise dei fram i eit interessert miljø.

Kulturminneplanen 2015-2018 for Vaksdal kommune har vår spesielle fjordkultur som hovudtema. Robuste veaskutar som m.a. kunne dreges over isen vinterstid men som likevel kunne roast langt til marknadar i t.d. Bergen gjev ei spesiell byggjestil som ikkje finnast att mange stadar i landet. Dyvikabåtane er ifølge lokalhistorikar Arne Høyland blant få attverande båtar av denne typen.

Påbygging og sikring av loftet i Skutenaustet vil gje Dyvikabåtane ei fast plassering i lang tid. Med ein kontrakt om vederlagsfritt oppbevaring i 20 år vil båtane kunne takast vare på i den stand dei er i i dag. Som eigar vil Vaksdal kommune ha tilgang til dei særeigne båtane etter avtale med Stiftinga.

Arbeidet er relativt kostbart og stiftinga søker om kr 125.000 i støtte frå kommunen. Deler av tiltaket kan dekkast av midler avsett til kultur. I tillegg må stiftinga og kommunen aktivt søkje tilskotsmidlar til formålet. Saka vert lagt fram til behandling no ettersom stiftinga ynskjer å setje arbeidet i gang i vår. Nærare om finansiering vert å leggje fram i samband i 1. tertial.